

Media : Berita Harian

Date : 8 August 2017

KUALA LUMPUR 2017

Larian Obor di Menara
TM, Ajinomoto meriah
Ms.48/49

Ajinomoto turut semarak Larian Obor KL2017

Oleh Sukhairi Thani
sukhairi@bh.com.my

► Kuala Lumpur

Larian Obor Sukan SEA Kuala Lumpur (KL2017) yang singgah di Ajinomoto (M) Berhad (AMB) semalam menjadi tanda simbolik kepada hubungan diplomatik antara Malaysia dan Jepun yang kini memasuki tahun ke-60.

AMB yang menjadi penaja platinum KL2017 juga menyifatkan pembabitannya mereka pada temasya edisi ke-29 itu juga memberi makna yang

amat besar terutama menjelang ulang tahun hari kemerdekaan Malaysia pada 31 Ogos ini.

Berucap pada program itu, Pengerusi AMB, Tan Sri Mohamed Hashim Mohd Ali, berkata obor menjadi tradisi pada semua temasya sukan sekali gus menjadi simbol kepada perpaduan komuniti di dalam sesebuah negara yang mengambil bahagian.

Jelajah seluruh Malaysia

"Obor KL2017 sudah menjelajah ke seluruh negeri di Malaysia dan ia tidak pernah berlaku dalam Sukan SEA dan Para ASEAN. Kali terakhir Malaysia menganjurkan temasya adalah pada 2001. Kini sudah 16

tahun dan kita sekali lagi menganjurkannya.

"Bagi saya, ini adalah satu nostalgia. Ajinomoto (M) Berhad dan Ajinomoto Jepun akan terus memberi sokongan dalam sukan," katanya.

Dalam Larian Obor KL2017 di mana Ajinomoto menjadi lokasi terakhir semalam, lebih 350 peserta mengambil bahagian dan menyaksikan obor diterima Pengarah Urusan AMB, Naoko Yamamoto sebelum diserahkan kepada Mohamed Hashim.

Menjadi penaja KL2017 juga memberikan peluang buat Ajinomoto Co Inc (Ajinomoto Co) untuk menyediakan pelbagai lagi

bentuk sokongan menerusi anak syarikatnya di rantau ASEAN menyalurkan pengetahuan mengenai sokongan nutrisi kepada atlet seperti yang dikumpulkan mereka di Jepun.

Ajinomoto Co juga menyokong secara aktif selain terbahagi sama dalam program pembangunan sukan dan atlet menerusi kepakaran dalam kemajuan sains terutamanya mengenai asid amino.

"Kepada atlet negara, menerusi slogan 'Malaysia Boleh', buatlah Malaysia bangga dan kami sentiasa berbangga dengan kamu dan kami akan terus memberi sokongan tanpa berbelah bahagi," kata Mohamed Hashim.

➔ Acara tradisi
temasya sukan
besar kukuh
hubungan
diplomatik
Jepun, Malaysia



Obor menjadi tradisi dalam semua temasya sukan sekali gus menjadi simbol kepada perpaduan komuniti di dalam sesebuah negara yang mengambil bahagian. Obor KL2017 sudah menjelajah ke seluruh negeri di Malaysia dan ia tidak pernah berlaku dalam Sukan SEA dan Para ASEAN”

Mohamed Hashim Mohd Ali,
Pengerusi AMB



Mohamed Hashim dan Yamamoto bersama obor KL2017, di Kuala Lumpur, semalam.



Sebahagian warga **Ajinomoto** yang menyertai Larian Obor KL2017 di Kuala Lumpur, semalam.

